



Tusagassiorfinnut nalunaarut / Pressemeddelelse

Imigassaq Ikiaroonartorlu pillugit siunnersuisooqatigiit pilersinneqaqqipput

Imigassaq Ikiaroonartorlu pillugit siunnersuisooqatigiit ataatsimiittarneri 2021-mi ukiakkut unitsikkallarneqarmatali aallarteqqissimanngitsut maanna pilersinneqaqqipput. Ph.d.-nngorniarluni ilinniartoq Ivalu Katajavaara Seidler siunnersuisooqatigiinni ukiuni sisamani tulluuttuni siulittaasussatut qinerneqarpoq.

Siunnersuisooqatigiit Naalakkersuisut isummersortartoraat, siunertaavorlu siunnersuisooqatigiit imigassaq aamma ikiaroonartorlu pillugu pitsaaliuinissamut peqqinnermullu suliniuteqarnissamut Naalakkersuisunut siunnersuissasut, ilutigalugu siunnersuisooqatigiit imigassamik, ikiaroonartumik assigisaanilluunniit atorneqarnerup ineriartorneqanik malittarinnittutut inissisimassapput.

Siunnersuisooqatigiit siulittaasortaavata imminut toquttarneq pillugu Ph.d.-nngorniutigisani inaarsaleruttorpaa.

- *Kalaallit Nunaanni innuttaasut peqqissusaat pillugu ukiorpassuarni suliaqarninni, pingaartumillu imminut toquttarneq pillugu ilisimatusarninni, malunnarpoq imigassaq pisooqataalluinnartartoq, Ivalu Katajavaara Seidler oqarpoq.*

Inatsisartut 2023-mi upernaakkut ataatsimiinnerminni aalajangerput ukiunut arlalinnut atuuttussamik, ilisimatuussutsikkut uppernarsakkanik toqqammaveqartumik, imigassamut politikissamut toqqammavissamut innersuussisoqassasoq.

Meeqqat ilaqutariinni aanngajaarniutinik atorneqarnerisutut siunnersuisooqatigiit Naalakkersuisunut innersuussisaminnik aamma tunniussaqaqarumarput.

26-02-2024
Sags nr. 2023 - 13856
Akt nr. 23899962
Imaneq 4
Postboks 1160
Tlf: 34 50 00
3900 Nuuk
Email: pn@nanog.gl
www.naalakkersuisut.gl

- *Imigassaq meeqqanut mikisunnguunerannit angerlarsimaffinni imigassamik ajornartorsiuteqarfiusumi kinguneqarnerlutsitsilereertarpoq, tassanngaanniillu ajornartorsiutit inuunerup sinneranut nassatarineqarsinnaasarput. Imigassamik ajornartorsiuteqarnerup inuk ajornartorsiuteqartoq kisiat sunnertanngilaa, ilaqtariit inuiaqatigiillu, massakkumuunnaanngitsoq, kisianni kinguaariit arlallit allaat aamma sunnertarpaat, Ivalu Katajavaara Seidler oqarpoq.*

Siunnersuisooqatigiit aanngajaarniutit pillugit tamat oqallinnerannik aallartisinissaminnut imaluunniit peqataanissaminnut aamma pisinnaatitaapput.

- *Naalackersuisunut siunnersuisooqatigiittut inissisimavugut, kisianni aamma kissaatigivara innuttaasut ilisimasagut pillugit paasisaqartarnissaat. Siunnersuisooqatigiinni siulittaasutut anguniagaraara meeqqat tamarmik toqqissisimasumik peroriartornissaat, matumanilu uanga ilisimatuussutsikkut paasisannik aamma misilittakkannik tunniussaqaarsinnaavunga, Ivalu Katajavaara Seidler oqarpoq.*

Siunnersuisooqatigiit katitigaanerat

Siunnersuisooqatigiit katitigaanerat nutaaq najoqqutaralugu ilaasortat qulingiluanngorput, sionatigut arfineq-marluusarsimagaluartut, siunnersuisooqatigiillu Peqqissutsimut Naalackersuisooqarfiup ataani inissisimapput. Siunnersuisooqatigiinni uku ilaasortaapput:

- Ivalu Katajavaara Seidler Ilisimatusarfimmit innersuunneqartoq (siulittaasooq)
- Gujo Thorsteinsson NGO-mit/nit innersuunneqartoq (siulittaasup tullia)
- Bjørn Tegner Bay Kalaallit Nunaata Politiviinit innersuunneqartoq
- Efraim Olsen Allorfimmit innersuunneqartoq
- Lisa Sólrún Christiansen Peqqissutsimut Naalackersuisooqarfimmit innersuunneqartoq
- Christine Tønnesen Ilinniartitaanermut, Kultureqarnermut, Timersornermut Ilageeqarnermullu Naalackersuisooqarfimmit innersuunneqartoq
- Rigmor Villadsen Isumaginninnermut, Ilaqtariinnut, Suliffeqarnermut Nunamullu Namminermut Naalackersuisooqarfimmit innersuunneqartoq
- Mette Cordius-Hansen Meeqqanut, Inuusuttunut Naalackersuisooqarfimmit innersuunneqartoq
- Mariane S. Larsen kommuninit innersuunneqartoq

Annertunerusumik paasisaqarusunnermi attavissaq:

Ivalu Katajavaara Seidler, Imigassaq Ikiaroorlartorlu pillugit
siunnersuisooqatigiinni siulittaasoq
Oqarasuaat: +45 65 50 77 15
Maili: ivalu@sdu.dk